

NO. SOALAN: 122

**PEMBERITAHUAN PERTANYAAN
MESYUARAT KEDUA, PENGGAL KEEMPAT
PARLIMEN KETIGA BELAS (2016)
DEWAN RAKYAT**

PERTANYAAN : LISAN

**DARIPADA : YB RAJA DATO' KAMARUL BAHRIN SHAH
[KUALA TERENGGANU]**

TARIKH : 17 MEI 2016 (SELASA)

SOALAN:

Raja Dato' Kamarul Bahrin Shah [Kuala Terengganu] minta PERDANA MENTERI menyatakan apakah tindakan yang diambil oleh Kementerian kepada syarikat-syarikat yang tidak menepati Indeks Syariah dan berapa syarikat yang tidak dikenakan tindakan.

JAWAPAN : (YB MEJAR JENERAL DATO' SERI JAMIL KHIR BIN HAJI BAHAROM (B), MENTERI DI JABATAN PERDANA MENTERI)

Tuan Yang di-Pertua,

Sebagaimana Ahli Yang Berhormat sedia maklum, Indeks Syariah Malaysia (ISM) dibangunkan sebagai satu dimensi baru tadbir urus negara berpaksikan lima prinsip Maqasid Syariah iaitu penjagaan agama, nyawa, akal, keturunan dan harta. Walau bagaimanapun ISM adalah berbeza

dengan sistem patuh syariah (*syariah compliance*) seperti mana yang diamalkan dalam institusi kewangan, perbankan dan pelaburan.

Perlu difahami bahawa ISM tidak berfungsi untuk menilai samada aktiviti sesebuah syarikat itu menepati syariah atau tidak. Sebaliknya ia berfungsi sebagai satu alat atau kaedah untuk mengukur secara saintifik sejauhmana usaha yang dilaksanakan oleh Kerajaan dalam dasar dan polisi yang digubal serta program-program yang dilaksanakan oleh jabatan dan agensi selaras dengan lima (5) prinsip sejagat Maqasid Syariah supaya maslahah yang lebih banyak serta keutamaan dapat diberikan kepada seluruh rakyat tanpa mengira bangsa dan agama.

Sekian, terima kasih.